

ა(ა)იპ ონის მუნიციპალიტეტის ბაგა-ბაღის დირექტორის მზია გუგეშაშვილის

ანგარიში 2023 წლის იანვრიდან

ა(ა)იპ ონის მუნიციპალიტეტის ბაგა-ბაღი მდებარეობს. ქ. ონი აღმაშენებლის ქ. N64 ში.

სკოლამდელი განათლების სფერო „ ადრეული და სკოლამდელი აღზრდისა და განათლების შესახებ“ საქართველოს კანონითა და საერთაშორისო ხელშეკრულებებით წესრიგდება. ბავშვის დაცვა, მის კეთილდღეობაზე ზრუნვა და სკოლისათვის მომზადება ა(ა)იპ ონის მუნიციპალიტეტის ბაგა-ბაღის პრიორიტეტია. ბავშვის განვითარების ეტაპებიდან სკოლამდელი ასაკი ყველაზე კრიტიკულ პერიოდს არის მიჩნეული. კოგნიტური ფსიქოლოგიისა და ნეირობიოლოგიური კვლევები ადასტურებს, რომ ტვინის 90 % ის ევოლუციონირება სწორედ ადრეულ ასაკში ხდება. ემოციური და ფიზიკური ჯანმრთელობა, სოციალური უნარ- ჩვევები და შემეცნებით-ენობრივი შესაძლებლობები, რომელიც ბავშვობაში ჩნდება შემდგომ სკოლაში და საზოგადოებაში წარმატების ყველაზე მნიშვნელოვანი წინაპირობაა.

2022-2023 სა სწავლო წელს ა(ა)იპ ონის მუნიციპალიტეტის ბაგა-ბაღში დაკომპლექტებული იყო 5 სააღზრდელი ჯგუფი, ჩარიცხული იყო 135 ბავშვი. ფუნქციონირებდა სოფ. გლოლის საბავშვო ბაღი, სოფ. ჭიორისა და სოფ. უწერის სასკოლო მზაობის ცენტრები. დღემდე დასაქმებულია 43 თანამშრომელი, მათგან 2 თანამშრომელი დასაქმებულია სოციალური პროგრამით, ჯამში დასაქმებულთა რაოდენობა განისაზღვრება 45 ფიზიკური პირით.

ბაგა-ბაღის მიზანია მუნიციპალიტეტის მოსახლეობას გაუწიოს მომსახურეობა სკოლამდელი ასაკის ბავშვების აღზრდისა და განვითარების მიმართულებით თანამედროვე გამოწვევების გათვალისწინებით. მოამზადოს ბავშვები სკოლისათვის, განუვითაროს შესაბამისი უნარები, რაც შემდგომ დაეხმარება მათ სკოლაში სწავლის პროცესში.

სასწავლო სააღზრდელი პროცესი მიმდინარეობდა ადრეული და სკოლამდელი განათლების ხარისხის სტანდარტის შესაბამისად, რომლის მიზანია ხარისხიანი სასწავლო სააღზრდელი პროცესის ხელშეწყობა, ბავშვის სწავლისა და განვითარების შედეგების მისაღწევად აუცილებელი მინიმალური პროგრამული სტანდარტების განსაზღვის გზით.

5-6 წლიანთა სკოლისათვის მზაობის ჯგუფში ირიცხებოდა 44 აღსაზრდელი, ჩარიცხული აღსაზრდელებიდან იანვრიდან ივლისის თვის ჩათვლით გამოცხადდა 37აღსაზრდელი, რომლებიც მომზადებული იქნა სკოლისათვის. ყველა ბავშვს საჩუქრად გადაეცა

„პირველკლასელთა აკადემია“ გოჩა ტყემელაშვილის რედაქტორობით. სასკოლო მზაობის ჯგუფის აღმზრდელს ციალა გუგეშაშვილს გაწეული მრავალწლიანი წარმატებული მუშაობისათვის წამახალისებლად გადაეცა ერთი თვის პრემია ივლისის თვეში.

სასკოლო მზაობის ჯგუფი აღჭურვილია ახალი ინვენტარით, თვასაჩინო დიდაქტიკური მასალებით, მრავალფეროვნად რესურსით, რაც სწავლისადმი პოზიტიურ დამოკიდებულებას მოტივაციას, ჩართულობას, ჰოლისტურ განვითარებას უზრუნველყოფს. აღმზრდელები ბავშვებს ეპყრობოდნენ პატივისცემით, მზრუნველობით, ქმნიდნენ ჯგუფში ყველა პირობას, რომ ბავშვები ყოფილიყვნენ ბედნიერები, მზრუნველი დამოკიდებულებით აღწევდნენ დასახულ მიზანს, აღმზრდელები ცდილობდნენ არ დაემაბათ ბავშვები და გაეთვალისწინებინათ ბავშვების ინტერესები, მიმართავდნენ წახალისების მეთოდს. უღვივებდნენ ერთმანეთის სიყვარულს, კეთილ განწყობას, თამაშ-თამაშით ავითარებდნენ ბავშვებში ასაკის შესაბამისად უნარ ჩვევებს, ყოველდღიურად ხდებოდა ჰაერზე გასეირნება, ყოველთვიურად ტარდებოდა „მხიარული სტარტები,“ მუსიკალური აქტივობები.

აღმზრდელები პასუხისმგებლობით ასრულებდნენ დაკისრებულ მოვალეობას, მათ გავლილი აქვთ აღმზრდელ პედაგოგის 66 საათიანი ტრენინგ კურსი. სტანდარტზე დაყრდნობით ახორციელებდნენ სასწავლო სააღმზრდელო პროცესის მიზნობრივად წარმართვას, აქტივობების დაგეგმვისას ხელმძღვანელობდნენ ბავშვებზე დაკვირვებით, ითვალისწინებდნენ მათ საჭიროებებსა და ინტერესებს. აქტივობების პროცესში იყენებდნენ მეორად მასალას.

სოფ. გლოლის საბავშვო ბაღში ირიცხებოდა 7 აღსაზრდელი, სკოლისათვის მოამზადა 1 აღსაზრდელი.

სოფ უწერის სასკოლო მზაობის ცენტრში ირიცხებოდა 3 აღსაზრდელი, 1 აღსაზრდელი მოემზადა სკოლისათვის.

სოფ ჭიორის სასკოლო მზაობის ცენტრში ირიცხებოდა 1 აღსაზრდელი. მათის თვიდან ონის ბაგა-ბაღიდან გადავიდა 1 აღსაზრდელი და შეადგინა 2.

მნიშვნელოვანია მშობლების ჩართულობა ბაღის ცხოვრებაში ბავშვები, რომელთა მშობლებიც ჩართული არიან ბაღის ცხოვრებაში უკეთესად სწავლობენ, უკეთეს სოციალურ უნარებს ამჟღავნებენ, ნაკლებად ავლენენ პრობლემურ ქცევას, ყველა ჯგუფის აღმზრდელი კომუნიკაციაშია აღსაზრდელის მშობლებთან, როგორც დედებთან, ასევე მამებთან, ბოლო წლებში მნიშვნელოვნად გაიზარდა მამების როლი სკოლამდელი ასაკის ბავშვების აღზრდაში, ისინი დედებთან ერთად თანაბრად ინაწილებენ პასუხისმგებლობას. ზოგჯერ მშობლებისთვის გვიწევს ინფორმაციის მიწოდება ბავშვის რთული ქცევის შესახებ, მშობლებს ვუხსნით რაში გვჭირდება მათი დახმარება. მაგალითად: ასეირნონ ყოველ საღამოს, წაუკითხონ მათთვის საყვარელი ზღაპარი ან ლექსი, ითამაშონ მათთან ერთად და სხვა. წარმატებული შედეგი სკოლამდელი ასაკის ბავშვის განვითარებაში მიიღწევა საბავშვო

ბალისა და მშობლების ერთობლივი, მიზანმიმართული თანამშრომლობით, რასაც ვითვალისწინებთ ჩვენს ყოველდღიურ საქმიანობაში. ბაგა-ბალის სააღმზრდელო ჯგუფებში მოეწყო დასასვენებელი და სხვადასხვა სახის სივრცეები მშობელთა ჩართულობით.

ბაგა-ბაღში ინკლუზიური განათლების მიმართულებით მუშაობს მეთოდისტი, ფსიქოლოგი, ლოგოპედი, სპეც პედაგოგი აღმზრდელებთან ერთად. ინკლუზიური განათლება გულისხმობს ყველა ბავშვის თანაბარ ჩართვას სასწავლო პროცესში, მიუხედავად მათი განსხვავებულობისა, როცა ყველა ბავშვს აქვს საშუალება გამოავლინოს თავის შესაძლებლობა. ბავშვის საჭიროებებიდან გამომდინარე ზემოაღნიშნული სპეციალისტები ცდილობენ ცვლილებები შეიტანონ ფიზიკური გარემოს მოწყობაში, ეხმარებიან აღმზრდელებს ბავშვებისათვის აზრიანი და განმავითარებელი აქტივობების დაგეგმვაში. მულტიდისციპლინური გუნდის საჭიროება მაშინ დგება, როდესაც აღმზრდელები დამოუკიდებლად ვეღარ ახერხებენ ბავშვის განვითარების უზრუნველყოფას. ბაგა-ბაღში ჩარიცხული ბავშვებიდან სსმ საჭიროების მქონეა 11 აღსაზრდელი. გენდერული ბალანსის უზრუნველსაყოფად მნიშვნელოვანია გადავდგათ ქმედითი ნაბიჯები სკოლამდელი აღზრდის დაწესებულებებში, წავახალისოთ ორივე სქესის მშობლის თანაბარი ჩართულობა საგანმანათლებლო პროცესში, ხელი შევუწყოთ მამებისა და ბაბუების აქტიურ ჩართულობას.

ყურადრება ეთმობა ბავშვთა გასეირნებას ბალის ეზოსა და მიმდებარე პარკში.

ბაგა-ბალის პედაგოგიური კოლექტივი ვცდილობთ სწორი სტრატეგიის გამოყენებით შევცვალოთ ნებისმიერი ქცევა მიზანმიმართულად, პოზიტიური ქცევის გამოსავლენად, აღზრდის პროცესში ვიყენებთ წახალისების მეთოდს, ვცდილობთ ბავშვებს შორის მეგობრული ურთიერთობის ჩამოყალიბებას.

თეთრეულის სამრეცხაო ბლოკში დამონტაჟებულია 2 სარეცხის მანქანა, კვირაში ერთჯერ და საჭიროებისამებრ ირეცხება თეთრეული, პირსახოცები და სათამაშოები, შეძენილი გვაქვს საშრობები, გარეცხვა, გაშრობა, დაუთოება, შენახვა ხდება ჰიგიენური ნორმების დაცვით.

ჭურჭელი ირეცხება გამდინარე თბილი წყლით, ბაგა-ბაღი სისტემატურად მომარაგებულია საჭირო სან. ჰიგიენური მასალებით.

სამზარეულო ბლოკში დაცულია ჰიგიენური ნორმები, გამართულია ელექტრო ღუმელი. სამზარეულოს კედლები საჭიროებს კერამიკული ფილებით დაფარვას.

პროდუქტების საწყობში მოწყობილია გამწოვი-სავინტილიაციო სისტემა.

ბაგა-ბალის ფიზიკური გარემო საჭიროებს სტანდარტის შესაბამისად მოწყობას. (შიდა და გარე სივრცე). სან. კვანძებში მოსაწყობია პისუარები, სანიტარული ნივთების შესანახი კარადები. ბაგის 2-3 წლ. ჯგუფში არ არის სივრცე ბავშვთა კვებისათვის, მოსაწყობია ეზოს განათება, ეზოში ბავშვებისათვის მოსაწყობია 2 ფანჩატური, საქვიშარი, მუსიკალური კედელი, სივრცე ტალახით თამაშისათვის, სამზარეულო სივრცე, 2 ხის სახლი, სენსორული

ბილიკები, საზაფხულო ქოლგები 5 ცალი, ეზოს სკამი 5 ცალი, ეზოს ფართობი არ არის საკმარისი. ეზოს ტერიტორიაზე არსებული სანიაღვრე არხიდან ინტენსიური წვიმების დროს წყალს არ აქვს გასასვლელი.

ბაგა-ბაღის შენობა არ არის ადაპტირებული შ.შ.მ. პირებისათვის. შენობის პირველ და მეორე სართულზე მოსაწყობია მწერებისგან დამცავი ბადეები. სამზარეულოს სარდაფში საჭიროა დამონტაჟდეს კარები ცხაურით. ბაგა-ბაღის მომსახურე პერსონალი გადასამზადებელია პიველადი გადაუდებელი სამედიცინო დახმარებისა და უსაფრთხოების მიმართულებით. (დასამატებელია შტატი უსაფრთხოების მიმართულებით).

სისტემატიურად ხდებოდა შიდა მონიტორინგი ბაგა-ბაღში დასაქმებული თანამშრომლების მიერ შესრულებული სამუშაოს მოცულობასა და ხარისხზე, რომლის მიზანსაც წარმოადგენდა მუშაობის გაუმჯობესება ხარისხის სტანდარტის მოთხოვნის შესაბამისად. ვითვალისწინებდით მუნიციპალიტეტის საკრებულოს 2018 წლის 25 იანვრის დადგენილებებს.

იანვრის თვიდან ივლისის თვის ჩათვლით ბაგა-ბაღში პერიოდულობით მინიტორინგს აწარმოებს ონის მუნიციპალიტეტის მერიის განათლების, კულტურის, სპორტის, ახალგაზრდობის საქმეთა, ბავშვის უფლებების დაცვისა და მხარდაჭერის სამსახურის სპეციალისტი ქალბატონი ლამარა გამყრელიძე, რომელიც მონიტორინგის გარდა გვაწოდებს ცენტრალური ხელისუფლებისა და ადგილობრივი ხელისუფლების მიერ მიღებულ დადგენილებებს, ნორმატიულ აქტებს, სხვა საჭირო დოკუმენტაციასა და რეკომენდაციებს სკოლამდელი განათლების მიმართულებით.

ივლისის თვეში ბაგა-ბაღის ადმინისტრაციამ შეავსო თვითშეფასების კითხვარი. 20 ივლისს ბაგა-ბაღში იმყოფებოდა საქართველოს განათლებისა და მეცნიერების სამინისტროს ხარისხის ცენტრის ექსპერტი, თვითშეფასების სპეციალისტი ქალბატონი ნინო ბენდელიანი, რომელმაც ადგილზე გაუწია მონიტორინგი ონის ბაგა-ბაღსა და სოფ. გლოლის საბავშვო ბაღს, კითხვარის მოთხოვნის შესაბამისად გადაიღო ფოტო მასალა მტკიცებულებებისათვის.

ყოველი კვირის ბოლოს ბაგა-ბაღის ადმინისტრაცია ინფორმაციას აწვდის მუნიციპალიტეტის მერს ბატონ სერგო ხიდემელს და მერის მოადგილეს ბატონ გიორგი ნოდარიშვილს გაწეული მუშაობის შესახებ.

ბაგა-ბაღის შენობის ფართი აკმაყოფილებს მოთხოვნებს და გამოყენებულია მიზნობრივად.

2023 წლის სუბსიდია განისაზღვრა 450 000 ლარით. დღეის მდგომარეობით გახარჯულია 233 181 ლარი, მათ შორის:

ხელფასი 160 232 ლარი

საგანმანათლებლო რესურსი 6432 ლარი

სან ჰიგიენა 2830 ლარი

კვება 30 926 ლარი

იანვრიდან დღემდე ბავშვთა საშუალო სწრებადობამ შეადგინა 58 . ერთი ბავშვის დღიური კვება განისაზღვრა 5,15 ლარით.

ბაგა-ბაღში დასაქმებული ყველა თანამშრომელი პასუხისმგებლობით ასრულებდა დაკისრებულ მოვალეობას, ბაგა-ბაღი წესდებით და სამუშაო აღწერილობით განსაზღვრული მიზნებისა და ამოცანების შესაბამისად წარმართავდა საქმიანობას.

2023 წლის 4 სექტემბრიდან ბაგა-ბაღში გამოცხადდა ყველა თანამშრომელი, ბაგა-ბაღი ემზადება ახალი 2023-2024 სასწავლო წლისათვის , ეტაპობრივდ ვიძენთ საჭირო საგანმანათლებლო რესურსებს, სან. ჰიგიენურ მასალებს, სხვა საჭირო ნივთებს.

18 სექტემბრიდან ბაგა-ბაღში განახლდება ახალი სასწავლო პროცესი.

8 სექტემბერი 2023წელი

მზია გუგუშაშვილი

ა(ა)იპ ონის მუნიციპალიტეტის ბაგა-ბაღის დირექტორი